

ერთის მხრივ, შპს „საქართველოს ფოსტა“ (შემდგომში - „შემსყიდველი“), მისი ფინანსური დეპარტამენტის უფროსის ლაშა ჯაფარიძის სახით და მეორეს მხრივ, შპს „ჯი ემ ბილდინგი“ (შემდგომში - „მიმწოდებელი“) მისი დირექტორის თემური მინდორაშვილის სახით, „სახელმწიფო შესყიდვების შესახებ“ საქართველოს კანონისა და მიმწოდებლის სატენდერო წინადადების საფუძველზე, **NAT240002563** ელექტრონული ტენდერის (აუქციონის გარეშე) ჩატარების შედეგად აფორმებენ სახელმწიფო შესყიდვის შესახებ წინამდებარე ხელშეკრულებას (შემდგომში - „ხელშეკრულება“) შემდეგზე:

მუხლი 1. შესყიდვის ობიექტი

- 1.1. შესყიდვის ობიექტს წარმოადგენს: პირადი ჰიგიენის საშუალებები (შემდგომში: „საქონელი“), CPV კოდი: 33761000, 33764000.
- 1.2. შესყიდვის ობიექტის დეტალური აღწერა და პირობები მოცემულია სატენდერო დოკუმენტაციაში, რომელიც წარმოადგენს ამ ხელშეკრულების განუყოფელ ნაწილს.
- 1.3. შესყიდვის ობიექტის დასახელება, ტექნიკური აღწერილობა, რაოდენობა, ერთეულის ფასი და საერთო ღირებულება მოცემულია ხელშეკრულების დანართში #1, რომელიც წარმოადგენს ამ ხელშეკრულების განუყოფელ ნაწილს.

მუხლი 2. ხელშეკრულების ღირებულება

- 2.1. ხელშეკრულების ჯამური ღირებულება შეადგენს: **9428,20 (ცხრაათასოთხასოცდარვა ლარი და ოცი თეთრი) ლარს.**
- 2.2. ხელშეკრულების ღირებულება მოიცავს კანონმდებლობით გათვალისწინებულ ყველა გადასახადს, მათ შორის დღგ-ს.

მუხლი 3. შესყიდვის ობიექტის მიწოდების ადგილი და ვადა

- 3.1. შესყიდვის ობიექტის მიწოდება განხორციელდება მიმწოდებლის ხარჯით, შემსყიდველის იურიდიულ მისამართზე, ქ. თბილისი სადგურის მოედანი #2.
- 3.2. შესყიდვის ობიექტის მიწოდება განხორციელდება ხელშეკრულების გაფორმებიდან 10 (ათი) სამუშაო დღის ვადაში.

მუხლი 4. შესყიდვის ობიექტის მიღება-ჩაბარების წესი

- 4.1. შესყიდვის ობიექტი მიწოდებულად ჩაითვლება მხოლოდ კანონმდებლობით დადგენილი წესით განსაზღვრული მიღება-ჩაბარების აქტის გაფორმების შემდეგ, რომელიც დასტურდება მხარეების ან მათი წარმომადგენლების (უფლებამოსილი პირების) ხელმოწერით.
- 4.2. შემსყიდველის მხრიდან მიღება-ჩაბარების აქტზე ხელმოწერა უფლებამოსილ პირს წარმოადგენს შპს „საქართველოს ფოსტის“ სასაწყობო მეურნეობის უფროსი ან მისი მოვალეობის შემსრულებელი.
- 4.3. მიმწოდებლის მიერ ხელშეკრულებით ნაკისრი ვალდებულებების შესრულების კონტროლს შემსყიდველის მხრიდან განხორციელებს შპს „საქართველოს ფოსტის“ სასაწყობო მეურნეობის უფროსი ან მისი მოვალეობის შემსრულებელი.
- 4.4. ხელშეკრულების 6.4. პუნქტის შეუსრულებლობის შემთხვევაში შემსყიდველი უფლებამოსილია უარი განაცხადოს მიღება-ჩაბარების აქტის გაფორმებაზე და მოითხოვოს ხელშეკრულების პირობების შესრულება შემსყიდველის მხრიდან რაიმე დამატებითი ხარჯის გაწევის გარეშე.

მუხლი 5. ანგარიშსწორება

- 5.1. მიმწოდებელთან ანგარიშსწორება განხორციელდება უნაღდო ანგარიშსწორებით ეროვნულ ვალუტაში.
- 5.2. ანგარიშსწორების საფუძველია მხარეების უფლებამოსილი პირების მიერ საქონლის მიწოდების შემდეგ გაფორმებული მიღება-ჩაბარების აქტი, სასაქონლო ზედნადები და კანონმდებლობით გათვალისწინებული საგადასახადო დოკუმენტაცია.
- 5.3. მიმწოდებელთან ანგარიშსწორება განხორციელდება მხარეთა შორის მიღება-ჩაბარების აქტის გაფორმების, მიმწოდებლის მიერ წარმოდგენილი სასაქონლო ზედნადების და კანონმდებლობით გათვალისწინებული საგადასახადო დოკუმენტაციის წარმოდგენიდან 10 (ათი) სამუშაო დღის ვადაში.
- 5.4. საავანსო ანგარიშსწორების მექანიზმი არ გამოიყენება.

მუხლი 6. მხარეთა უფლება-მოვალეობები

- 6.1. შემსყიდველის უფლება აქვს:

- 6.1.1. შემოწმოს შესყიდვის მახასიათებლების შესაბამისობა ხელშეკრულებით გათვალისწინებულ პირობებთან.
- 6.1.2. რაიმე ნაკლის აღმოჩენის შემთხვევაში, აცნობოს და მოსთხოვოს მიმწოდებელს ნაკლის დაუყოვნებლივ გამოსწორება.
- 6.1.3. მოითხოვოს მიმწოდებლისგან ხელშეკრულების ჯეროვანი, დროული და კეთილსინდისერი შესრულება.
- 6.2. შემსყიდველი ვალდებულია:**
- 6.2.1. უზრუნველყოს მიმწოდებელთან ანგარიშსწორება ხელშეკრულებით გათვალისწინებული პირობების შესაბამისად.
- 6.2.2. დაიცვას ხელშეკრულებით გათვალისწინებული პირობები.
- 6.3. მიმწოდებელს უფლება აქვს:**
- 6.3.1. მოსთხოვოს შემსყიდველს მიწოდებული შესყიდვის ობიექტის ღირებულების ანაზღაურება ხელშეკრულებით გათვალისწინებული პირობების შესაბამისად.
- 6.4. მიმწოდებელი ვალდებულია:**
- 6.4.1. უზრუნველყოს ხელშეკრულების პირობების შესრულება.
- 6.4.2. შემსყიდველს მიაწოდოს ახალი და ხარისხიანი შესყიდვის ობიექტი, რომელიც არ გამოავლენს დეფექტებს.
- 6.4.3. შესყიდვის ობიექტის გადაბარებისას, მიღება-ჩაბარების აქტის გაფორმებამდე რაიმე ნაკლის აღმოჩენის შემთხვევაში უზრუნველყოს მისი გამოსწორება (გაწიოს საჭირო მომსახურება და/ან ახლი შესყიდვის ობიექტის მიწოდება) არაუგვიანეს 3 (სამი) კალენდარული დღის ვადაში.

მუხლი 7. ხელშეკრულებაში ცვლილებების შეტანა და შეწყვეტა

- 7.1. ხელშეკრულებაში ნებისმიერი ცვლილების ან დამატების შეტანა შესაძლებელია მხარეთა შეთანხმების საფუძველზე, ორივე მხარის მიერ ხელმოწერილი წერილობითი ფორმით.
- 7.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.
- 7.3. საქართველოს სამოქალაქო კოდექსის 398-ე მუხლით გათვალისწინებულ შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.
- 7.4. ხელშეკრულების ერთ-ერთი მხარის მიერ ხელშეკრულების პირობების სრულად ან ნაწილობრივ შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.
- 7.5. მხარეების ვალდებულნი არიან 7.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალებების გამოყენებით შეატყობინოს მეორე მხარეს.
- 7.6. ხელშეკრულება ასევე შეიძლება შეწყდეს მხარეთა ინიციატივით, ურთიერთშეთანხმების საფუძველზე.

მუხლი 8. მხარეთა პასუხისმგებლობა

- 8.1. მხარეები კისრულობენ ვალდებულებას აუნაზღაურონ მეორე მხარეს მათ მიერ წინამდებარე ხელშეკრულების პირობების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 8.2. ერთი მხარის მიერ ხელშეკრულების პირობების შეუსრულებლობის ან არაჯეროვანი შესრულების შემთხვევაში მეორე მხარე უფლებამოსილია მოითხოვოს პირგასამტეხლო შეუსრულებელი ვალდებულების 0.02 %-ის ოდენობით ყოველ ვადაგადაცილებულ დღეზე.
- 8.3. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისაგან.
- 8.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 1 (ერთი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს მიმწოდებელს ხელშეკრულების შეწყვეტის მომენტისთვის გადასახდელი პირგასამტეხლოს ანაზღაურება.
- 8.5. 7.4 პუნქტით გათვალისწინებული შემთხვევის დადგომისას, შემსყიდველი უფლებამოსილია ხელშეკრულების პირობების შეუსრულებლობისათვის მოითხოვოს პირგასამტეხლო ხელშეკრულების საერთო ღირებულების 20%-ის ოდენობით, ხოლო ნაწილობრივ შესრულების შემთხვევაში, მოითხოვოს პირგასამტეხლო შესასრულებელი (დარჩენილი) ვალდებულების შესაბამისი

ღირებულების 10%-ის ოდენობით.

მუხლი 9. ხელშეკრულების შესრულების შეფერხება

- 9.1. თუ ხელშეკრულების შესრულების პროცესში მხარეები წააწყდებიან რაიმე ხელშემშლელ გარემოებებს, რომელთა გამო ფერხდება ხელშეკრულების პირობების შესრულება, ამ მხარემ დაუყოვნებლივ უნდა გაუგზავნოს მეორე მხარეს წერილობითი შეტყობინება შეფერხების ფაქტის, მისი შესაძლო ხანგრძლივობის და გამომწვევი მიზეზების შესახებ. შეტყობინების მიმღებმა მხარემ ათი დღის ვადაში უნდა აცნობოს მეორე მხარეს თავისი გადაწყვეტილება, აღნიშნულ გარემოებებთან დაკავშირებით. იმ შემთხვევაში, თუ ხელშეკრულების პირობების შესრულების შეფერხების გამო მხარეები შეთანხმდებიან ხელშეკრულების პირობების შესრულების ვადის გაგრძელების თაობაზე, ეს გადაწყვეტილება უნდა გაფორმდეს ხელშეკრულებაში ცვლილებების შეტანის (შეთანხმების) გზით.

მუხლი 10. დაუძლეველი ძალა

- 10.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია აუცდენელი დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ. წინააღმდეგ შემთხვევაში, შესაბამისი მხარე არ თავისუფლდება ნაკისრი ვალდებულებების შესრულებისაგან.
- 10.2. მხარეთა პასუხისმგებლობა და ვალდებულებები განახლდება ფორს-მაჟორული გარემოებების დასრულებისთანავე.

მუხლი 11. სადავო საკითხების გადაწყვეტა

- 11.1. ხელშეკრულების შესრულებისას მხარეთა შორის წამოჭრილი დავები შესაძლებელია გადაწყვეტილი იქნას ორივე მხარის ერთობლივი მოლაპარაკების საფუძველზე.
- 11.2. თუ მხარეები მოლაპარაკების დაწყებიდან 10 (ათი) კალენდარული დღის განმავლობაში ვერ მიაღწევენ შეთანხმებას, მხარეებს უფლება აქვთ მიმართონ სასამართლოს საქართველოში მოქმედი კანონმდებლობის შესაბამისად.

მუხლი 12. ხელშეკრულების მოქმედების ვადა

- 12.1. წინამდებარე ხელშეკრულება ძალაში შედის მხარეთა მიერ მათი ხელმოწერის დღიდან და მოქმედებს 2024 წლის 31 ივლისის ჩათვლით.

„შემსყიდველი“

შპს „საქართველოს ფოსტა“
ს/კ: 203836233
მის: ქ. თბილისი, სადგურის მოედანი #2
ტელ: (+995 32) 224 09 09
ს.ს. „საქართველოს ბანკი“
ბანკის კოდი: BAGAGE22
ანგარიშის # GE13BG0000000123286800

ლაშა ჯაფარიძე
ფინანსური დეპარტამენტის უფროსი

„მიმწოდებელი“

შპს „ჯი ემ ბილდინგი“
ს/კ: 406161166
მის: თბილისი, თევდორე მღვდლის 57
ტელ: (+995) 597 00 00 11
სს "საქართველოს ბანკი"
ბანკის კოდი: BAGAGE22
ანგარიშის # GE83BG0000000498979538

თემური მინდორაშვილი
დირექტორი

№	შესყიდვის ობიექტის დასახელება	ტექნიკური მახასიათებლები	განზომილება	რაოდენობა	ერთეულის ღირებულება	ჯამური ღირებულება	მწარმოებელი ქვეყანა	მწარმოებელი
1	ქაღალდის ხელსახოცი მექანიკური დისპენსერისთვის	პერფორირებული, რბილი, თეთრი ქაღალდი, ორი ფენა, ფენები არის შეწებებულ მდგომარეობაში. ქაღალდის რულონის სიგანე 20სმ, სიგრძე 130მ. 100 % ცელულოზა. წონა 1.2 კგ	ცალი	1500	4.9324	7398.60	საქართველო	შპს „ჯი ემ ბილდინგი“
2	ტუალეტის ქაღალდი	პერფორირებული, რბილი, სიგრძე - 18მ, რულონის შიდა გული - მუყაო, შიდა გულის დიამეტრი - 4.5 - ხვიის საერთო დიამეტრი - 10სმ ქაღალდის სიგანე - 9.5სმ ფენები არის შეწებებულ მდგომარეობაში	ცალი	4000	0.5074	2029.60	საქართველო	შპს „ჯი ემ ბილდინგი“
სულ ჯამი (დღგ-ს ჩათვლით):						9428.20 ლარი		

„შემსყიდველი“

შპს „საქართველოს ფოსტა“
ს/კ: 203836233

ლაშა ჯაფარიძე
ფინანსური დეპარტამენტის უფროსი

„მიმწოდებელი“

შპს „ჯი ემ ბილდინგი“
ს/კ: 406161166

თემური მინდორაშვილი
დირექტორი